

სახალხო განათლება+

უფალო, მოგვალე მე ნიჭი იმპარალ თქმისა, რომ არგოს ჩემს მსმენელს, ხოლო მას გულსაჟური, რომ უქმად არ დაჟერას მნა ჩემი

№ 3 (4500) • 29 ოქტომბერი • 2014 წელი • გაზეთი გამოდის ოთხშაბათობით • ფასი 80 თეთრი •

დღეს ჩვენი გაზეთის 4500-ე ნომერი გამოვიდა!

უწყვეტიანობის კონცურები

გაღალ შედეგებზე ორიენტირებულნი



ტრასიდან თეთრად მოჩანს. ამიტომ „თეთრი სკოლა“ შეარქვეს. სახელოვანი ადამიანების აღმზრდელია იგი. აქ გამოჩენილი პედაგოგები მოღვაწეობენ. თბილისის 141-ე საჯარო სკოლაზე ვსაუბრობთ. აგერ უკვე ორი წელია, აქ ახალგაზრდა, გამოცდილი დირექტორი **მარინე სამუშია** უნარიანად მართავს სასწავლო-აღმზრდელობით პროცესს, სკოლას ბევრი რამ შემატა, მოსწავლეებში, მშობლებში, პედაგოგებში უკვე მოიხვეჭა სახელი. ასე რომ არ ყოფილიყო, წელს დირექტორების ისეთი მაღალი კონკურსი იყო, პედაგოგები მას მხარს არ დაუჭერდა. მოკლედ, **მარინე სამუშიამ** სკოლას დაატყო საკუთარი ხელწერა. არც მიკვირს, რადგან მისი მშობლები სახელგანთქმული პედაგოგები იყვნენ და არიან. როგორც იტყვიან, გენებით გადმოეცა მას ამ დარგის სიყვარული.

ახლა პირდაპირ საქმეზე გადავიდეთ. სკოლა კარგად მოემზადა ახალი სასწავლო წლისთვის. მისი ინფრასტრუქტურა სასიამოვნო შთაბეჭდილებას ახდენს. დირექტორს ეამაყება, რომ სკოლა იმ ას პილოტირებულთა შორის მოხვდა, რომელთაც მთავრობამ ჯანმრთელობის კაბინეტი კეთილმოუწყო. მოსწავლეთა ჯანსაღი ცხოვრების წესს ერთგულად გუშაგობს გამოცდილი ექიმი **გიული თეთრუაშვილი**. ასევე სკოლას კეთილმოწყობილი ბუფეტი ემსახურება.

წელს 3 პირველი კლასი გაიხსნა. ცეროდენები უფასო წიგნებითა და „ბუკებით“ დასაჩუქრდნენ. ასევე ორგანიზებულად დარიგდა სახელმძღვანელოები ყველა კალსში.

მარტო დირექტორი ვერაფერს გახდებოდა, რომ მას მხარში უნარიანად არ ედგნენ მოადგილე, გამობრძმედილი პედაგოგი **ირინე ასეიშვილი**, სამეურვეო საბჭოს თავმჯდომარე **ქეთევან ჯობავა** და შემოქმედებითად მოღვაწე პედაგოგები.

ირინე ასეიშვილმა გაგვაცნო უნარიანად მოღვაწე საგნობრივი კათედრების წინამძღოლები: **მაია აბრამიშვილი** (დანეებთის), **ანა უზურგუნაშვილი**

(ენა-ლიტერატურა), **თეა ფილია** (უცხოური ენები), **ლელა არბოლიშვილი** (საზმეცნიერებები), **ნინო დემეტრაძე** (საბუნებისმეტყველო და მათემატიკა). ყველა შრომა შედეგებით ფასდება და აი, შედეგები: 50-მა ახალგაზრდამ დაამთავრა შარშან 12 კლასი. მათი დიდი უმრავლესობა სტუდენტია, ხოლო ოლიმპიადებში, კონკურსებში, სამეცნიერო კონფერენციებში მიღებული დიპლომების ჩამოთვლას ამჯერად ვერ მოვახერხებთ.

სკოლაში ხალისიან, მჩქეფარე ცხოვრებას სულ მალე გვპირდება მოსწავლეთა თვითმმართველობა. მისი თავმჯდომარე გახლავთ X კლასელი **გიორგი ბულისკერია**. ამ ახალგაზრდებს კურირებს და აკვლიანებს ბიოლოგიის მასწავლებელი **მანია ბერიშვილი**. ჩაფიქრებული არის იმდენი საინტერესო ღონისძიება, რომ მისი ჩამოთვლა შორს წაგვიყვანს. ერთი სიტყვით, მოსწავლეთა თვითმმართველობა სკოლაში ახალგაზრდობის ხალისიან, მჩქეფარე ცხოვრებას

გვპირდება, რასაც ჩვენ სხვა დროს ფართოდ გავაშუქებთ.

– სკოლის თვალი და ყური, დირექციის მარჯვენა ხელი, – ასეთი მაღალი შეფასება მისცა დირექტორმა მანდატურების საქმიანობას. მართლაც ასეა. მანდატურებმა უკვე მიაგნეს თავიანთ მონოდასს. **თამარ ნიკურაძემ** და **ალეკო უზურგუნაშვილმა** დახვეწეს, სრულყვეს მუშაობის სტილი და მოსწავლეთა საიმედო მრჩეველები გახდნენ. ასე რომ, სკოლაში უზრუნველყოფილია უსაფრთხოება და დამყარებულია შეგნებული დისციპლინა.

ნათქვამია, წინილებს შემოდგომაზე ითვლიანო. სკოლის შემოდგომა კი ივნისშია. გვჯერა, ნიჭიერი, შემოქმედი, ენერგიული დირექტორის **მარინე სამუშიას** ხელმძღვანელობით თბილისის 141-ე საჯარო სკოლის შრომის-მოყვარე მასწავლებლები ძვირფას „წინილებს“ (წარმატებებს) მაშინ ბლომად დაითვლიან.

პორის ხარებავა



პირველი მასწავლებელი

თითქმის პირველად შედიოდაო გაკვეთილზე, ისე ლელავდა პირველკლასელების მიღებისას გამობრძმედილი მასწავლებელი **ნელი მარლიშვილი**. 22 წელია თბილისის 141-ე საჯარო სკოლაში პატარებს აფრთიანებს, დედაენისა და მამულის სიყვარულით ზრდის მათ თავად ამ სკოლაში დაფრთიანებული ჩინებული პედაგოგი.

მშობლიურ სკოლაში პატარებთან ყოველი შეხვედრა სასიხარულო ემოციებს აღძრავს, შენს ბავშვობაში გაბრუნებს ხოლმე. და აი, მისი ბავშვები – მოჭიკჭიკე და მოალერსე 21 მერცხალი. მათ ხომ სწავლასთან ერთად მოფერებაც უნდათ, შემოქმედებითი ნიჭის აღმოჩენა და მისი განვითარება სჭირდებათ. არცერთ ამ პედაგოგიურ-დედობრივ მზრუნველობას არ აკლებს ცეროდენებს წელი მასწავლებელი. ზედ დაჰფოფინებს და, როგორც სუხომლინსკი იტყოდა, გულს უძღვნის ბავშვებს.

გაივლის დრო, ხანი. ეს თვალსაჩინო გოგო-ბიჭები სახელოვანი მამულიშვილები დადგებიან და წელი მასწავლებელსაც ასახელებენ.

ზრუნვა მასწავლებელზე

პედაგოგთა ხელფასი გაიზარდა



1 იანვრიდან პედაგოგთა ხელფასის ზრდა იგეგმება. როგორც საქართველოს განათლებისა და მეცნიერების მინისტრმა, **თამარ სანიკიძემ** საქართველოს პარლამენტში ყურნალისტებთან საუბრისას განაცხადა, პედაგოგთა სახელფასო ზრდა დაკავშირებულია ახალი სქემის ამოქმედებასთან. მისივე თქმით, სქემა ამოქმედდება კანონში ცვლილებების განხორციელებისთანავე, რის შემდეგაც დაიწყება სქემის დანერგვა, 2015 წლიდან ეტაპობრივად მასწავლებლის სახელფასო პოლიტიკის მონესრიგება, რაც 2016-2017 წლებშიც გაგრძელდება. ამასთან, მასწავლებელთა ხელფასები გარკვეული კატეგორიების მიხედვით დაიყოფა, ანუ რანჟირებული იქნება.

„ხელფასები იქნება რანჟირებული. გარკვეული მატება იქნება საბაზო ხელფასშიც, მაგრამ, ძირითადად, მატება განისაზღვრება რანჟირებულად კატეგორიების მიხედვით. ნოემბრის თვეში ზუსტად გვეცოდინება იმ დამატებითი რესურსის შესახებ, რომელიც მიემართება მასწავლებლის ხელფასში. როგორც კი დასრულდება კანონპროექტზე მსჯელობა და კანონში განისაზღვრება ცვლილებები, ჩვენ შევძლებთ ერთდროულად დაინიშნოთ 2015 წელს სქემის ამოქმედება და განვასორციელოთ ის სახელფასო ცვლილებები, რომელსაც სქემის ფარგლებში ვგეგმავთ. ეს იქნება ნაწილობრივ საბაზო ხელფასის ზრდა, თუმცა ხელფასები ასევე გვინდა იყოს რანჟირებული, რათა გაიზარდოს მოტივაცია“, – განაცხადა **თამარ სანიკიძემ**.

მკითხველთა საყურადღებოდ!

გაზეთის გამოსაწერად შეგიძლიათ მიმართოთ პრესის გავრცელების სააგენტოებს: „საქპრესა“ – გურამიშვილის გამზ. 64, ტელ.: (032) 2 518 518, „მატენი“ – საირმის ქ. კორპ N 4, ტელ.: 2 14 74 22.

თბილისის 167-ე სკოლის იარ-სახე



ახალი სასწავლო წლისთვის მზადყოფნაში ერთ-ერთი ნამყვანი როლი ინფრასტრუქტურის მოწესრიგებას ენიჭება...

სამი წლის წინათ 167-ე საჯარო სკოლას რომ ვენვიეთ, როგორც იტყვიან,

ინტერასცტრუქტურული სიბლი

აქაურობა „რას ჰგავდა?“ დღეს კი - ავთვალს არ დაენახებოდა. აქ ყველაფერი ელავს და ანათებს, გათბობა გინდა, კანალიზაცია, კაბინეტ-ლაბორატორიები...

სამი წლის მანძილზე სკოლის თავკაცმა ლაშა კილაძემ დიდი შრომა და სიყვარული ჩააქსოვა ამ საქმეში და გაიმარჯვა.

ნელს სკოლას ახალი დირექტორი ჰყავს, გამობრძმედილი, ძლიერ კონკურსში გამარჯვებული ელენე ფუტკარაძე.

მაოდგილე იყო, კარგა ხანს თბილისის 149-ე საჯარო სკოლას დირექტორობდა, შემდეგ - ასევე კარგა ხანს ამ სკოლაშიც დირექტორის მოადგილედ მუშაობდა...

ნელს 4 პირველი კლასი მივიღეთ, - ამბობს ქალბატონი ელენე, - ჩვენი სკოლა იმ 100 პილოტირებული შორისაა, ვისაც მთავრობამ კეთილმოწყობილი საექიმო კაბინეტი გაუხსნა.

დირექტორს აქტიურად უდგანან მხარში სამეურვეო საბჭოს თავმჯდომარე, მობელი, 107-ე ბაგა-ბაღის დირექტორი ია აბინაშვილი და, რაც მთავარია, მცოდნე, შემოქმედი მასწავლებლები.

19 პედაგოგი სერთიფიცირებულია. მენტორი მასწავლებლის მონაბა აქვს ჩინებულ პედაგოგს, ლამარა გერგედავას, რომელიც სწავლების პარალელურად სამეცნიერო კუთხითაც იღვწის, სადოქტორო დისერტაცია თითქმის მზადა აქვს.

სწავლებისა და აღზრდის მაღალ ხარისხს განსაზღვრავენ საგნობრივი კათ-

ედრები, რომელთაც უნარიანად ხელმძღვანელობენ: ლამარა გერგედავა (ქართული ენა და ლიტერატურა), ლიანა მელაძე (უცხოური ენები), ნონა ბერიძე (მათემატიკა), ნონა ანთიძე (საბუნებისმეტყველო), დარეჯან გეგეშიძე (საზმეცნიერებანი), დალი ნასყიდაშვილი (დანყებიები).

სწავლა-აღზრდის პროცესში თვალისჩინია მოსწავლეთა თვითმმართველობა, რომელიც საინტერესო, მჩქეფარე ახალგაზრდულ სასკოლო ცხოვრებას განსაზღვრავს.

მოსწავლეთა ყოველმხრივი, ჰარმონიული განვითარების მიზნით ბევრი რამ კეთდება, აი, თუდნაც წარმატებით მოღვაწეობს ცეკვის წრე „ვორტეკსი“ ცნობილი ქორეოგრაფის ნინო დარახველიძის ხელმძღვანელობით.

ამ მოკლე წერილში ყველაფერს ვერ ჩამოვთვლით. ჯერ ხომ საქმის დასაწყისია. სწავლა ახლახან დაიწყო. სასკოლო შემოდგომაზე (ივნისში) კი „შეჯამთ ნაყოფსა მისგან ტკბილსა ან მისნი ძენი“. ეს უეჭველად ასე იქნება.

პორის ევანია



ორიოდე წლის მოსულია ამ სკოლაში შემოქმედი დირექტორი ლიანა ფუტკარაძე და უკვე ყველაფერს დაეტყო მისი სასიკეთო ხელწერა.

შემთხვევით არ ყოფილა, რომ ახალი სასწავლო წლის დაწყება მოსწავლეებს, პედაგოგებს, დირექციას პრემიერ-მინისტრმა ირაკლი ლარიაშვილმა, განათლების მინისტრმა თამარ სანიკიძემ, თბილისის მერმა დავით ნარმანიამ მიულოცეს.

ამ ოქტომბრის ერთ მშვენიერ დღეს სკოლას ვესტუმრე. მინდოდა, ზემოაღნიშნულ საკითხებზე დირექტორთან მესაუბრა, მაგრამ ისეთი ღონისძიება დამხვდა, ისეთი, რომ ჩემი გეგმა სხვა დროისთვის გადავდე.

წინასწარ ვიტყვი: სკოლაში მაღალ შედეგებზე ორიენტირებული სასწავლო პროცესის გარდა, განსაკუთრებული მნიშვნელობა ენიჭება მოსწავლე ახალგაზრდობის ყოველმხრივ სრულყოფილ პიროვნებად ჩამოყალიბებას.

ასე იფურჩქნება პატარების ნიჭი-უნარი



ეს ყველაფერი პირველი კლასიდან იწყება, რადგანაც ბავშვობაში აღძრულ ინტერესებს, მიდრეკილებებს ვერაფერი შეედრება.

ლია გაკვეთილს 1⁴ კლასში ვერცხლისწყალივით დაუდგარი ახალგაზრდა დამრიგებელი შორენა ყვანია ატარებდა პროექტის მიხედვით „ჩვენ გვიყვარს ხელოვნება“.

ამას წინათ, ამავე პროექტის ფარგლებში შორენა მასწავლებელმა თავისი ცეროდენები ცნობილ მხატვარ-კარიკატურისტ ზაალ სულაკაურს შეახვედრა.

იქაც დაეთმო პატარების ნიჭსა და უნარებს ფართო ასპარეზი.

ხოლო დღევანდელ ღონისძიებაზე მონავეული იყვნენ ხალხური სიმღერის ოსტატები: მარამ ელიშვილი და დეზი გოგოჭურები. მათ წინაშე პანიებმა შესარულეს ეროვნული ფესვებიდან ამოზრდილი ტკბილმშობლიური სიმღერები: „დაუკარიო, რომ ძველ ხანჯალს ელდა ეცეს!“ მეგრული „ასე ჩინგური“, „აყვავებულა არავგვ

თბილისის 133-ე საჯარო სკოლაში

დეა“ და სხვა. შორენა მასწავლებელს ისე ოსტატურად მიჰყავდა ღონისძიება და ცეროდენებიც ისე ასრულებდნენ სიმღერებს, თითქოს პროფესიონალები არიანო.

ღონისძიებას მაღალი შეფასება მისცეს სკოლის დირექტორმა ლიანა ფუტკარაძემ, მისმა მოადგილემ ციცო ჭკუასელმა და სხვებმა. პატარების სიხარულს გაცისკროვნებული თვალბით უყურებდნენ მათი მშობლები.

მშობლები ამბობენ: ასეთი საინტერესო, ემოციური ღონისძიებები კარგია, რომ სკოლაში ტარდებო. რადგან შორენა მასწავლებელზე ვსაუბრობთ, კიდევ ერთ მაგალითს მოვიტანთ. ყოველ ორშაბათს მასწავლებელი ატარებს კითხვის საათს. ამას წინათ განსხვავებული ფორმატით ჩატარდა იგი, მასწავლებლის ნაცვლად ზღაპრები ბებიებმა წაუკითხეს პანიებს. ამან ყველაზე საოცარი შთაბეჭდილება მოახდინა ბავშვებზე და დიდებზეც. საყვარელ ბებიებს დიპლომები გადაეცათ.

კიდევ ბევრი ღონისძიება გვაქვს დაგეგმილი, - ამბობს შორენა ყვანია, - გაკვეთილებთან ერთად სხვადასხვა პროექტის განხორციელება მეტად ეფექტიანი საშუალებაა ყოველმხრივ ჰარმონიულად განვითარებული ბავშვების აღსაზრდელად.

ძნელია ამ აზრს არ დაეთანხმო.

პორის კინდელი



ლიცეუმის აღმასვლა



ნინო განვალაძე

თქვენს მიერ არც ერთი ისე ბევრი, მაგრამ არც იმდენად ცოტა, რომ არ ღირდეს უკან მოხედვა.

თქვენს მიერ არც ერთი ისე ბევრი, მაგრამ არც იმდენად ცოტა, რომ არ ღირდეს უკან მოხედვა.



კვლევის შედეგები

გამგებდარიყავი ამ დიდი პედაგოგიური ოჯახის წევრი. დღესაც ჩამსმის ლიცეუმის დირექტორის გულნარა კვიციანის დამაჯერებელი ხმა: „სექტემბრიდან თქვენ ჩვენს ლიცეუმში დაიწყებთ მუშაობას!“ – მან გამიღო ფართოდ არა მარტო სკოლის, არამედ გულის კარებიც. ამ წლიდან მოყოლებული დღემდე ვცდილობ ნდობის გამართლებას.

„მასწავლებელი მოსწავლის სულის კონსტრუქტორია, – ეს ჩვენი ლიცეუმის პედაგოგთა უსაყვარლესი გამოცდილებაა. კარგად ვიცით მოსწავლეებთან დამყარებული ჰარმონიული ურთიერთობის ფასი: სასიამოვნო გარემო იქმნება, სასწავლო პროცესს უფრო მეტი ინტერესი და ხალისი ემატება. ლიცეუმის ხელმძღვანელობა ყოველმხრივ ხელს გვიწყობს ასეთი გარემოს შესაქმნელად. ქალბატონი გულიკო კვიციანის, ინგა ამირანაშვილის (ფინანსური დირექტორი), ს. კოვზირიძის (სკოლის დამფუძნებელი), თ. გურგენიძის (სკოლის დამფუძნებელი), ქ. ხაბუღიანის (თამარიონის“ სკოლის სასწავლო ნაწილის გამგე) დაუღალავი შრომით, ყველა პედაგოგის ძალისხმევით ლიცეუმში „თამარიონი“ ერთ-ერთი უძლიერესი სკოლა გახდა მთელ თბილისში. ამას ადასტურებს მიღწეული წარმატებები.

ბედნიერებაა იყო მასწავლებელი ისეთი ნიჭიერი, წინგვიერი მოსწავლეების, როგორებიც სწავლობენ ჩვენს ლიცეუმში. ისინი გამორჩეულნი არიან ზრდილობით, შინაგანი კულტურით, ერუდიციით. ჩვენ მასწავლებლები მათი უფროსი მეგობრები ვართ, გვიყვარს ერთმანეთი, ვავსებთ ერთმანეთს.

რამდენ თაობას გაუვლია ჩვენს ხელში. მათი წარმატებით ხარობს ლიცეუმში, – ხარობენ მათი აღმზრდელი პედაგოგები.

„თამარიონს“ მწვერვლებისკენ თვალის უჭირავს

ამჯერად, ჩვენი ბუდიდან აფრენილ, ჩემს ყოფილ სადამრიგებლო XII კლასზე, მათ წარმატებებზე მოკლედ მინდა მოგითხროთ.

2013-2014 სასწავლო წლის გამოშვებაზე საუბარი. როგორ შემოძლია, დაგივიწყოთ, თქვენ ხომ ჩემი სულის განუყოფელი ნაწილები იყავით და ხართ, – ჩემო ანი, ნინო, ლელა, მარი, მართა, სალი, ნინო, ბექა, შოთა, ლუკა, დათა, ლაზარე, სოფო, გივი, ნინო, ბექა, იგორ, გიორგი, ზაზა, თამარ, ანი, ნიკა, თამარ. განვლილმა წლებმა ერთმანეთის გულში ჩაგვახედა და გვაგრძობინა, თუ როდენ ძვირფასები გავხდით ერთმანეთისათვის. თქვენ ჩემი ძალა იყავით, ჩემი დღეების მშვენიერება იყავით, – მე კი, – თქვენი სკოლაში გატარებული წლების მეგზური.

2013-2014 სასწავლო წლის კურსდამთავრებულთაგან დიდი უმრავლესობა სტუდენტი გახდა.

5 მოსწავლე – 100%-იანი გრანტით დაფინანსდა (ლ. გიუნაშვილი; ს. ლუდუმიძე; ნ. ბახტაძე; ა. მჭედლიძე; შ. ბეგიაშვილი);

1 მოსწავლე – 70% – მართა გიუნაშვილი;

10 მოსწავლე – 50% (ბ. ბერაძე, მ. გიუნაშვილი, ნ. გრიგალაშვილი, ს. მაისურაძე; დ. მაჭარაძე; გ. ნეფარიძე; ნ. ტყეშელაშვილი; ა. ფუხაშვილი; ლ. ჯილაძე; თ. ჯობაძე).

ყველას გვიხარია თქვენი წარმატებები. ფრთები შესწოდეს თქვენს ოცნებებს! – მწვერვლები დაგეზუროთ!

დღეს ჩემს ოთახს თქვენი ჯგუფური სურათი ამშვენებს... ჩემი პატარები (მეზუთე კლასელები) ხშირად მიმყავს თქვენს სურათთან და ვუყვები თქვენზე... მჯერა, რომ ლიცეუმში „თამარიონი“ ისე დააფრთიანებს თქვენსავით საამაყო მომავალ თაობებს.

აი, როგორ გამოხატავენ მადლიერებას ჩემი სადამრიგებლო კლასის აღზრდილები:

ლაზარე გიუნაშვილი (თავისუფალი უნივერსიტეტის სტუდენტი): ადამიანის ცხოვრებაში არსებობს ისეთი რამ, რასაც ვერასდროს დაივიწყებ. ჩემთვის ასეთი „თამარიონია“. თქვენ ლამაზი ყრმობა მაჩუქეთ და მადლობას გიხდით! მთელი ცხოვრება მემახსოვრება ჩემი ისტორიის მასწავლებელი თინიკო ოთიაშვილი, რომელმაც ძლიერ პიროვნებად ჩამომაცალიბა. მთელი ცხოვრება ვიმეგობრებ ნინო მასწავლებელთან, რომელიც უთქმელად კითხულობს ყველაფერს ჩემს თვალში; მადლობა ქალბატონ გულიკო კვიციანს სიყვარულისათვის, მადლობა ყველას!



სამი ტყუპი გიუნაშვილი

ბრებ ნინო მასწავლებელთან, რომელიც უთქმელად კითხულობს ყველაფერს ჩემს თვალში; მადლობა ქალბატონ გულიკო კვიციანს სიყვარულისათვის, მადლობა ყველას!

სალომე ლუდუმიძე (თავისუფალი უნივერსიტეტი): ლიცეუმ „თამარიონმა“ უდიდესი გავლენა იქონია ჩემს ჩამოყალიბებაზე, რაც გ. კვიციანთან ერთად ყვე-



დირექტორი გულნარა კვიციანი

ლა აქ მომუშავე ადამიანის დამსახურებაა. გარდა მიღებული ცოდნისა, ჩემთვის ძვირფასია ის ადამიანური ურთიერთობები, რაც თამარიონელბთან მაკავშირებს.

ანი მჭედლიძე (სამედიცინო უნივერსიტეტი): არც ერთ სკოლაში არ შემხვედრიან ისეთი სიყვარულითა და მეგობრობით, როგორც აქ, „თამარიონში“. რა მომცა თამარიონმა? პირველ რიგში – „უხილავი საუნჯე“, დამანახა რომ მასწავლებელსა და მოსწავლეს შორის შეიძლება დამყარდეს მეტად თბილი და მეგობრული ურთიერთობა. „თამარიონი“ არის ჩემი მეორე სახლი.

გივი ნეფარიძე (თსუ): „თამარიონში“



ბოლო ხარი

გატარებული 2 წელი ჩემი ცხოვრების უმნიშვნელოვანეს ნაწილად იქცა. უამრავი ლამაზი დღე მაჩუქა „თამარიონმა“. ზოგჯერ მეჩვენება, თითქოს 1-ლი კლასიდან ამ სკოლაში ვსწავლობდი, ამ პედაგოგების გარემოცვაში... მასწავლებლები უახლოეს ადამიანებად მექცნენ. მადლობა ყველას! ყოველი ლამაზი დღისთვის.

ჩვენი კურსდამთავრებულნი თქვენი ცხოვრების ულამაზესმა ფურცლებმა გადაშალა დაიწყო... ნუ შეგეშინდებათ სიძნელების, ნურც სიმარტივეები მოგადუნებთ... გახსოვდეთ: „თუ ნუთისოფელს ერთ ბენო ხანს თვალს მოუხუჭავთ, ისე გაგთელავთ, როგორც დიდოელი ნაბადს“.

ბოლოს, მინდა მაცხოვრის სიტყვები გაგახსენოთ: „ამით ცნან ყოველთა, რამეთუ ჩემნი მოწაფენი ხართ, უკუეთუ, იყუარებოდეთ ურთიერთას“.

„თამარიონი“ თქვენი ცხოვრების გზას ლოცავს.

ნინო განვალაძე
პარლო სალუქშაძის ფოტო

„იზარდე, მწვანე ჯეჯილო,

როგორ სწავრობთ, 131-ე ბაგა-ბაღალებო!



ქეთევან ცსომალიაია

დედაქალაქის 131-ე საბავშვო ბაგა-ბაღი მდებარეობს თბილისის ძველ უბანში, ჩუღურეთში. ბაღის შენობა საკმაოდ ძველია. აქ საბავშვო ბაგა-ბაღი ფუნქციონირებს 70 წელზე მეტია.

ამჟამად შენობა კაპიტალურად არის გარემონტებული და უსაფრთხოა ბავშვებისათვის. 6 ჯგუფია განთავსებული ორ სართულიან შენობაში. აქვს პატარა ლამაზი ეზო, კარგი გამწვანებით, სადაც სიამ-

სითბო და ალერსი - რაგადუნის ბინდა

დაკმაყოფილდა საბავშვო ბაღში მიღებაზე, მისაღები ადგილების უქონლობის გამო.

გვყავს 2 ბაგის ასაკის ჯგუფი. დალი რაჭველიშვილი და ეკა ქვანახია უფროსი ასაკის ბაგის ჯგუფს ხელმძღვანელობენ, ხოლო ლია ჯაფარიძე და ნინო მირგატია უმცროს ჯგუფს.

მათ კარგად იციან, როგორ მიუდგენ ატირებულ პატარებს, რომლებიც პირველად შორდებიან მშობლებს და უცხო გარემოში ხვდებიან,

კარგია, რომ საბავშვო ბაღი უფასოა, ბავშვები იკვებებიან ხარისხიანი, სერთიფიცირებული პროდუქტით. მთლიანად გამოიცვალა სურსათის შესანახ საწყობში ინვენტარი. მენ მარინა ლუდუმიძე და ექთანი ირმა მაისურაძე ზრუნავენ საკვების პროდუქტის ხარისხზე და კვებაზე.

სამზარეულოში ახალი ელექტროლუ-



ოვნებით თამაშობენ ბავშვები. ეზოს ყვავილებს აგერ უკვე 40 წელია უფლის გოგუცა რამაზაშვილი.

კედლებზე ბავშვების ნამუშევრების გამოფენაა განთავსებული, რომელიც პერიოდულად იცვლება და ნახატებს, ნაძერწი ცვლის.

გულნარა სალუქვაძე - მეთოდისტი გახლავთ და თვალყურს ადევნებს მათ შემოქმედებით საქმიანობას.

პედაგოგი მედეა ქინქლაძე ხალისიან პანგებით, საბავშვო სიმღერებით, ზეიმებს ხიბლს მატებს. ბავშვები სიამოვნებით სწავლობენ სხვადასხვა სიმღერებს და ცეკვებს.

ბაღს ხელმძღვანელობს ახალგაზრდა ენერგიული ქალბატონი აქსანა ჯვარშიშვილი, მან ეხლახან შექმნა ლამაზი ოჯახი, შეეძინა ვაჟი. ვულოცავთ და ვუსურვებთ, რომ პატარა ნიკოლოზი სახელოვანი კაცი გაზრდილიყოს.

მეგზურობა ბაღში გაგვინია ქეთევან ცსომელიძემ, რომელიც ამჟამად დირექტორის მოვალეობას ასრულებს, ის დიდი სითბოთი და პატივისცემით საუბრობს ბაღის თანამშრომლებზე. თავისი პედაგოგიური მოღვაწეობა მან დაიწყო საბავშვო ბაღში.

ქალბატონმა ქეთევანმა აღნიშნა, რომ მიმდინარე წელს 120-მდე განცხადება ვერ

მელი დააყენეს, გამწოვი მექანიზმით. მზარეულები თამარ მეტრეველი და ნონა გაგიევი ბედნიერები არიან, როდესაც ბავშვები გემრიელად მიირთმევენ მათ ნახელავს.

უფროსი ჯგუფის აღსაზრდელები ემზადებიან სკოლაში წასასვლელად. პედაგოგები თამილა სიგუა, მანანა მეცხვარიშვილი და თამარ გველესიანი სითბოთი და სიყვარულით ცდილობენ ჩაუნერგონ ბავშვებს ის აუცილებელი ცოდნა, რაც მათ შემდგომში სკოლაში გამოადგებათ. მათემატიკის, ხელოვნების, ლიტერატურის მინი ცენტრები ყველა ჯგუფშია შექმნილი. იმართება საუბრები სამშობლოს სიყვარულზე, მეგობრობაზე, ქრისტიანობაზე და სხვა.

უმცროსი ასაკის ბავშვებს ქალბატონი ნანა თორდია და ნინო ბაჯელიძე უძღვებიან. ისინი ოჯახური სითბოთი და ყურადღებით, თითოეული ბავშვის ბუნების გათვალისწინებით მოქმედებენ. ამით სათანადო შედეგსაც აღწევენ. ბაგის ჯგუფების გარდა, ყველა ჯგუფში 40 ბავშვი ირიცხება. 4-5 წლიან ბავშვების ჯგუფს გამოცდილი პედაგოგი მია ტონია და თამარ სულაძე

ხელმძღვანელობენ. აქ არიან როგორც ძნელად, აღსაზრდელი, ასევე უაღრესად სათნო და დამჯერი ბავშვები. დერეფანში ხშირად აწყობენ ბავშვების ნამუშევრების გამოფენებს, ბავშვებიც სიყვარულით პასუხობენ მათ.

ქალბატონი ქეთევანი ცდილობს, რაც შეიძლება მეტი გვაჩვენოს და გვიამბოს ბაგა-ბაღის კოლექტივზე. აღნიშნა, რომ ყოველგვარ საქმეში მხარდაჭერა და ყურადღება აქვთ საბავშვო ბაგა-ბაღების სააგენტოდან. ბაღი მზად არის ზამთრის სეზონისთვის.

ქვეყანაში დიდებული საქმე გაკეთდა, ბაღები უფასოა. საუკეთესოდ მარაგდება სურსათით, სათამაშოებით, ინვენტარით და სხვა. მაგრამ ვისურვებდი, რომ საქართველოს არ ჰყავდეს სოციალურად დაუცველი აღსაზრდელები.

რომან მოსაშვილი



დაპურდი, გახდი ყანაო!

ჩვენთან ხალხის მუდამ ზეიძობს

სალაში, 45-ე ბაგა-ბაღალში!



დირექტორი
ლიდა კვანტრიძე



დღის გვინდა მოგიყვებოთ პატარების საინტერესო და სახალისო ცხოვრებაზე თბილისის 45-ე საბავშვო ბაგა-ბაღში. ეს სასწავლო-აღმზრდელობითი დაწესებულება მდებარეობს ვარკეთილის დასახლებაში. აქ ადრეც ვყოფილვართ, მაგრამ დღევანდელი მიღწევები თვალსაჩინოა. ბავშვები, მათი მშობლები ძალიან კმაყოფილი არიან და ერთხმად ამბობენ: ჩვენს ბაღში ხალხის და სიხარული მუდამ ზეიძობსო. აქ ფეთქავს მომავალი თაობის და საქართველოს პუღსი. აქ იზრდება და ყალიბდება ზვალინდელი დღე ჩვენი სამშობლოსი.

ამ სათუთ დაწესებულებას რუდუნებით თავს დასტრიალებს საბავშვო ბაღის მთელი პედაგოგიური კოლექტივი **იზა კვანტრიძის** ხელმძღვანელობით. რომელსაც დამთავრებული აქვს თბილისის ივ. ჯავახიშვილის სახელობის სახელმწიფო უნივერსიტეტის კიბერნეტიკისა და გამოყენებითი მათემატიკის ფაკულტეტი. აგრეთვე ფინანსები და კრედიტები. მუშაობდა ისინი მოსწავლე-ახალგაზრდობის კულტურის სახლში. ასევე – თბილისის გრიგოლ კობახიძის სახელობის მეხუთე გიმნაზიაში დირექტორის მოადგილედ აღმზრდელობით დარგში და პარალელურად მათემატიკის მასწავლებლად, ხოლო 2007 წლიდან 45-ე საბავშვო ბაგა-ბაღში განაგრძობს თავის პედაგოგიურ მოღვაწეობას. მინდა ამასთან დაკავშირებით მოგიყვებოთ იმ უპრეცედენტო შემთხვევაზე, როდესაც დირექტორობის კონკურსში გამარჯვებული ქალბატონი, რომელსაც ნიშნავდნენ თბილისის 139-ე საჯარო სკოლის დირექტორად, უარს ამბობს ამ თანამდებობაზე და უბრუნდება საბავშვო ბაღს იმ განწყობით, რომ უკეთ წარმართოს შემოქმედებითი საქმიანობა ახალგაზრდა გუნდთან ერთად.

– ახალი ხელმძღვანელობის ძალიან გვეიმედება, – განაცხადა დირექტორმა – ბატონი **თემურ თორდინავა** აქტიურად გვეხმარება, მისი მზრუნველობით გარემოსილი ვართ და მჯერა, ბევრ სიახლეს დავენერგავთ. დიდი მადლობა მას ასეთი

ყურადღებისათვის. ბაღში ფუნქციონირებს 11 სასწავლო ჯგუფი, სადაც დანაწილებულია 465 აღსაზრდელი, რომელთაც აქვთ ინდივიდუალური ფსიქოლოგიური პორტრეტი და



განვითარების პორტფოლიო. მათი აღზრდით კი დაკავებულია 5 წინამძრომელი, თითოეული ცდილობს შეეჯიბროს ერთმანეთს პატარების სიყვარულში. ბაღში ასევე ჰყავთ 8 უნარშეზღუდული ბავშვი. აღმზრდელებთან ერთად ბაღში აქტიურ აღმზრდელობით საქმიანობას ეწევიან მულტიდისციპლინარული ჯგუფი, ლოგოპედი – **მაია შინიაშვილი**, ფსიქოლოგი – **ლალი ნაზარაშვილი**, სპეცპედაგოგი – **ნათია კობახიძე**, სანიტარულ-ჰიგიენური ნაწილის კოორდინატორია **მარინე ბოკუჩავა**.

დირექტორის შემდეგ ბაღის კეთილმონწყობაში და სააღმზრდელო პირობების შექმნაში უდიდესი წვლილი შეაქვს დირექტორის მოადგილეს – **იზა გრიგოლიას**, რომელიც სისტემატიურ კონტროლს უწევს ბაღის საგარეო საქმეებს. დოკუმენტების მონესრიგებას, სასწავლო და კვებით მონიტორინგს. მხარში უდგანან საქმის მწარმოებლებიც **ნესტან ზუკაკიშვილი** და **თამარ**

ფერიძე, ხოლო სამეურნეო ნაწილს კოორდინაციას უწევს **მაია თათარაშვილი**. სააღმზრდელო პროცესში აქტიურადაა ჩართული მეთოდისტი **ცისანა მელქაძე**. გასულ წელს ბაღმა საშუალო სკოლის პირველ კლასში გააცილა 130 პატარა. მათ საზიგო ვითარებაში გზა დაულოცეს პედაგოგებმა: **მანანა ქველიძემ**, **ანა მესხორაძემ**, **ანა ჯანაშვილმა**, **ქეთინო მესხორაძემ**, **ნინო ფანქველაშვილმა**, **ლია ფოცხვერაშვილმა**, **მარინე ზიზიევამ**, **ლელა ნადირაძემ**. ბაღში ტარდება საინტერესო ღონისძიებები, ეწყობა საგამოფენო კუთხეები ბავშვთა ნახატებისა. მეთოდური ხალიჩები აქვთ გამოფენილი, აქვთ შინაგანაწესი, რომელსაც ზედმინუვებით იცავენ. დაინტერესებულ პირთათვის აქვთ დისკებში ჩანერილი ღონისძიებები, რომლებიც კუთხეებში არის გამოტანილი. ბაღში დგას ყუთი, სადაც შეუძლიათ მშობლებს საჩივრების განთავსება ანონიმურად. ფუნქციონირებს ბიბლიოთეკა. ახლა მინდა მოგიყვებოთ სააღმზრდელო

ღონისძიებებზე. აქ ყველგან თოჯინები იციანიან. გვესალმება პირმღიმარე მზე. პედაგოგები ფილარმონიაში ატარებენ საშობაო ღონისძიებებს და ბავშვთა ფესტივალებს. ცეროდენები გამოდიან ტელევიზიით. სამი წელია ამიერკავკასი-

ის ბავშვთა ფესტივალს ხსნიან ბათუმში, ატარებენ ინტელექტუალურ თამაშებს. „თბილისობასთან“ დაკავშირებით ემზადებიან სრული ჩართულობით. მინდა წარმოგიდგინოთ გამორჩეულად ნიჭიერ ბავშვთა მოკლე ჩამონათვალი, რომლებიც წარმოადგენენ ბაღის აქტივს მუსიკაში პედაგოგ **ნინო ჭკუასელის** ხელმძღვანელობით. აი, ისინიც: **ელენე ჭიჭიაშვილი**, **სალომე ბენდელიანი**, **თორნიკე გაფრინდაშვილი**, **მარიამ კეტიშვილი**, **მარიამ ბელქანია**. ცეკვაში – მასწავლებელ **ქეთევან ჩალაძის** ხელმძღვანელობით: **ცუცა ჯაიანი**, **ანა მანუკიანი**. ხატვაში – **ერეკლე კილასონია**, **თეკლე მალუტაშვილი**, **გურამ ალერდაშვილი**, **სოფიკო ჭქელიძე**, **მარიამ ქსოვრელი**, **ელენე ნიაური**.

ბაგა-ბაღში მონესრიგებულია კვების პროცესი. აქ ცეროდენებისთვის მზარეულები **მზია კველიშვილი**, **თონა ბროლიძე**, **შორენა ელანდაშვილი** გემრიელი საუზნით და სადილით უმასპინძლებიან პატარებს. ბავშვთა კვების პროცესი ჰიგიენური ნორმების სრული დაცვით მიმდინარეობს.

ბაგა-ბაღში მონესრიგებულია სხვა სანიტარულ-ჰიგიენური პირობებიც, კეთილმონწყობილია წყლის და კანალიზაციის სისტემები, საბავშვო ბაღის ეზო, სადაც დამონტაჟებულია გასართობი საქანელები და სათამაშოები.

ასე რომ, თბილისის 45-ე საბავშვო ბაგა-ბაღში ყველა პირობაა შექმნილი იმისთვის, რომ მომავალი თაობის სწორი და უსაფრთხო აღზრდა-განათლება განხორციელდეს. ბედნიერია თქვენი ბავშვობა, ცეროდენებო! გაიხარეთ, ასახელეთ სამშობლო და თქვენი აღმზრდელები!

მარინე მირცხულავა





მიხეილ რუსიაი

დიდი შოთა იტყოდა: „არდავინყე-
ბა მოყვრისა აროდეს გვიზამს ზიანსა“,
ხოლო ჩვენი გაზეთის ფურცლები ხშირად
უყვებიან მკითხველს მათი გამოცდილებ-
ის ფესვებზე აყვავებულ ქართულ სულზე.
დღეს გვინდა მოგიტხროთ რუსაიების
დიდ პედაგოგიურ ოჯახზე.

ოჯახის მეთაური აფხაზეთიდან დევე-
ნილი, **მიხეილ რუსიაი**, რამდენიმე წლის
წინათ თბილისის მიწამ მიიბარა. მან
თავისი ცხოვრების მთელი შეგნებული
წინილი მიუძღვნა პედაგოგიურ მოღ-
ვაწვობას. მეუღლეც, ქალბატონი **ნინა
კუცია** პედაგოგი გახლდათ. მათთვის
ხელშეუხებელი და ძვირფასი იყო მას-
წავლებლის პროფესია. სულით ხორ-
ცამდე იყვნენ პედაგოგები და თავიანთი
ცხოვრებაც ამ საქმიანობას შეაღიეს.
სწორედ ასეთი ნიალიდან მოდიან მათი
შვილები, თავადაც გახდნენ პედაგოგები
და უდიდეს წარმატებებს მიაღწიეს ამ ას-
პარეზზე: **ხიმურ რუსიაი, ლუიზა რუსიაი,
ლიანა რუსიაი.**

უფროსმა შვილმა **ლუიზა რუსიაიმ**
1963 წელს დაამთავრა სოხუმის სამედი-
ცინო სასწავლებელი. 1963-1979 წლებში
მუშაობდა სოხუმის პირველ საავად-
მყოფოში ექთნად. 1979-1987 წლებში
სწავლობდა სოხუმის უნივერსიტეტის
დაუსწრებელ ფაკულტეტზე გეოგრაფიის
სპეციალობით. პარალელურად მუშაობ-
და ამავე უნივერსიტეტში ექთნად. 1979-
1992 წლებში დევნილობაში კი თბილისის
სეფსისის ცენტრში ექთანი იყო. ლუიზას
მეუღლე – **გენადი გვიშიანი** ასევე პედა-
გოგიურ საქმიანობას ეწეოდა. მან 1976
წელს დაამთავრა სოხუმის პედაგოგიური
ინსტიტუტის ბიოლოგიის ფაკულტეტი.
იმავე წელს დაიწყო მუშაობა ოჩამჩირის
რაიონის სოფელ ახალი კინდლის სკო-
ლაში, ასწავლიდა რამდენიმე საგანს.
1976-1993 წლებში მუშაობდა სოხუმის
უნივერსიტეტში სხვადასხვა თანამდე-
ბობაზე. 1995-2007 წლებში იყო აფხაზე-

ნინო რუსიაი



ნინა კუცია

თის მინისტრთა საბჭოს მთავარი სახელმ-
წიფო მრჩეველი დევნილთა საკითხებზე,
რაჭა-ლეჩხუმისა და ქვემო სვანეთის
რეგიონში. მათ შეეძინათ 2 შვილი: **მა-
მუკა** და **მარინე გვიშიანები**. **მარინე გვი-
შიანმა** 1994 წელს დაამთავრა თბილისის
სახელმწიფო სამედიცინო ინსტიტუტი
და ამჟამად მუშაობს თბილისის მე-13

მათი წაყვადოვი გზას გვიწაიბს

პოლიკლინიკაში. ჰყავს ორი შვილი **ბა-
ჩანა ჩხეიძე** – მათემატიკის ფაკულტეტის
სტუდენტია, ხოლო **თამარ ჩხეიძე** – სა-
შუალო სკოლის მოსწავლე.

მამუკა გვიშიანმა 1992 წელს
დაამთავრა თსუ მათემატიკის სპეცია-
ლობით, ხოლო შემდეგ 1999 წელს –
სოხუმის უნივერსიტეტის ეკონომიკური
ფაკულტეტი, ამჟამად მუშაობს სამედი-
ცინო კლინიკის მენეჯერად.

ლიანა რუსიაიმ 1971 წელს დაამთავრა
თსუ ქიმიის ფაკულტეტი. წლების განმ-
ვლობაში მუშაობდა თბილისის სახელმ-
წიფო სამედიცინო ინსტიტუტში, ქიმიის
ლაბორატორიაში.

ხიმურ რუსიაი მათემატიკურ მეცნი-
ერებათა დოქტორია. 1963 წელს
დაამთავრა საშუალო სკოლა და ჩაირ-
იცხა დედაუნივერსიტეტში. 1968 წლი-
დან მუშაობს თსუ-ში. ამჟამად გახ-
ლავთ გამოყენებითი ლოგიკისა და
პროგრამირების ლაბორატორიის გამგე,
ხოლო ასოცირებული პროფესორია
სოხუმის სახელმწიფო უნივერსიტეტში.
წლების განმავლობაში ილია ვეკუას
სახელობის მათემატიკურ სკოლაში
შეთავსებით ატარებდა მათემატიკური
ლოგიკის გაკვეთილებს.

პედაგოგიურ მოღვაწეობასთან ერთად,
იგი ეწევა აქტიურ სამეცნიერო მუშაობას.
გამოქვეყნებული აქვს 60-ზე მეტი ნაშ-
რომი. მისი ხელმძღვანელობით დაცულ
იქნა 7 საკანდიდატო დისერტაცია, მათ
შორის 5 პედაგოგიურ მეცნიერებათა აკ-
ადემიური დოქტორის ხარისხზე.

ასევე მისი მონაწილეობით ყოველ-
წლიურად მუშაობს სტუდენტთა საერ-
თაშორისო სკოლა, რომლის ფარგლებ-
შიც უცხოელები ატარებენ ქართველი
სტუდენტებისთვის ძალზე საინტერესო
ლექციებს. დაგეგმილი აქვთ გასვლითი

ტურები, ანუ ატარებენ ექსკურსიებს.
გამოჩენილი სტუდენტები იღებენ სტი-
პენდიებს.

ბატონი ხიმურის მონდომება და შრო-
მა ფასდაუდებელია თავისი სტუდენტ-
ების წინაშე. მისი კურსდამთავრებულე-
ბი აღწევენ ძალიან დიდ წარმატებებს.
დაგისახელებთ რამდენიმე მათგანს,
რომლებიც თბილისის სოხუმის უნივერ-
სიტეტში მოღვაწეობენ. ესენია: **ციალა
ძიძიგური, მზია ფაცაცია, თემურ ორმო-
ცაძე, მზია ტალახაძე**, ასევე, სოხუმის
უნივერსიტეტში მონწევით მუშაობს **ნანა
ფიფია**.

ბატონი ხიმურის აღზრდა-განათლებ-
ის საქმეში დიდი წვლილი აქვს შეტანილი
მის გამოჩენილ პედაგოგს, პროფესორ
შალვა ფხაკაძეს.

შალვა ფხაკაძე იყო პროფესორი,
ფიზიკა-მათემატიკის დოქტორი, მეც-
ნიერების დამსახურებული მოღვაწე
(1919-1994).

ხიმურ რუსიაი დაქორწინდა **ქრისტინე
ჯგუზაძეზე**, რომელიც ასევე მათემა-
ტიკოსი გახლავთ. მათ შეეძინათ ოთხი
შვილი.

ნინო რუსიაი – **მოსემლელიშვილი** –
ბიზნესის ადმინისტრირების მაგისტრი,

რუსაიების პედაგოგიური დინასტია



ხიმურ რუსიაი

ამ პროექტის პარალელურად აქვე, ვენის
უნივერსიტეტში დაამთავრა დოქტო-
რანტურა. 2012 წელს, წარმატებით და-
იცვა დისერტაცია და მიიღო დოქტორის

დოქტორანტი. 2010 წლიდან ეწევა პედა-
გოგიურ მუშაობას, როგორც ქართულ,
ისე საერთაშორისო უნივერსიტეტებში.
2014 წლიდან კითხულობს ლექციებს
დავით აღმაშენებლის სახელობის თავ-
დაცვის ეროვნულ აკადემიაში. ამჟამად
ამავე უნივერსიტეტის ასისტენტ-პროფე-
სორია.

ხარისხი. 2013 წლის თებერვლიდან მიი-
წევეს დოქტორანტურის შემდგომ სამეც-
ნიერო პროგრამაში პარიზის უნივერ-
სიტეტში. მიხეილს გამოქვეყნებული აქვს
მონოგრაფია, რამდენიმე სტატია. 2014
წლის იანვრიდან კითხულობს ლექციებს
შავი ზღვის საერთაშორისო უნივერ-
სიტეტში.



გენადი გვიშიანი და
ლუიზა რუსიაი

მიხეილ რუსიაი (უმცროსი) – კომ-
პიუტერულ მეცნიერებათა დოქტორია.
2007 წელს დაამთავრა ზუსტ და საბუნებ-
სმეტყველო მეცნიერებათა ფაკულტეტის
მათემატიკის მიმართულების ბაკალავრ-
იატი. იმავე წელს მიიღო ევროკომისიის
გრანტი „ერასმუს-მუნლაესის“ პრო-
გრამით მაგისტრატურაში სწავლის
გასაგრძელებლად და მაგისტრატურის
პირველი კურსი გაიარა ლისაბონის უნი-
ვერსიტეტში. მეორე კურსი კი ვენის უნი-
ვერსიტეტში. რის შემდეგაც, შესთავაზ-
ეს ავსტრია-საფრანგეთის ერთობლივ
სამეცნიერო პროექტში მონაწილეობა.

გიორგი რუსიაი მაგისტრანტია, 2010
წელს დაამთავრა სკოლა და ჩაირიცხა
თსუ ზუსტ და საბუნებისმეტყველო მეც-
ნიერებათა ფაკულტეტის მათემატიკის
მიმართულებაზე. ბაკალავრიატში, 100%-
იანი გრანტით იყო პრეზიდენტის სტი-
პენდიანტი.

ვახტანგ რუსიაი ჯერ სკოლის მოსწავ-
ლეა.

რუსაიების პედაგოგიური დინასტია
გრძელდება და ფრთებს უფრო მძლავრად
შლის.



უსწორი ენების კათედრა აერთიანებს ინგლისურს, ფრანგულსა და რუსული ენების თერთმეტ მასწავლებელს, რომელთა უმრავლესობამ წარმატებით ჩააბარა სასერთიფიკაციო გამოცდები. ჩვენ ვამაყობთ იმით, რომ კათედრაზე მოღვაწეობენ წარმატებული მასწავლებლები. აღნიშვნის ღირსია **ნონა ბეროშვილი**, რომელიც სკოლაში ერთადერთი ათასლარიანი პედაგოგია; **თინათინ კაპანაძე**, რომელმაც წარმატებით ჩააბარა ინგლისურისა და კომპიუტერის ინ-

ბილია, მეორე უცხო ენის სტატუსი მიენიჭა ფრანგულსა და რუსულ ენებს. ჩვენ პოზიტიურად მიგვაჩნია, რომ ამ ენის შესწავლა ნაცვლად VII კლასისა სადღეისოდ V კლასიდან იწყება. მიუხედავად იმისა, რომ გასაგები (და ზოგჯერ გაუგებარი) მიზეზებით რუსული ენის მიმართ ზოგადად არაერთგვაროვანი დამოკიდებულებაა, ჩვენს კათედრაზე ეს საკითხი კარგად არის მოგვარებული. სკოლის სწორი მენეჯმენტის მეშვეობით გვყავს რუსული ენის მაღალკვალ-

უსწორი ენების კათედრა – სასწავლო-საგანმანათლებლო საქმიანობის ერთ-ერთი დასაყრდენი სტრუქტურა

ტეგირებული გამოცდა; **თამარ მარდიშვილი**, რომელმაც ჩააბარა სამაგისტრო გამოცდები განათლების ადმინისტრირების სპეციალობით, **ლალი ლომიძე**, რომელმაც გაიმარჯვა პესტალოცის ევროპულ კონკურსში ნორვეგიაში – „საგანმანათლებლო გამოწვევები წარსულთან და აწმყოსთან მიმართებაში“, **ნანა მორჩაძე** – ინგლისური ენის გამოცდილი პედაგოგი, რომელიც შექსპირის ენას აზიარებს დაწყებითი კლასების მოსწავლეებს; **სოფიკო ვარდაშვილი** ახალგაზრდა სერთიფიცირებული პედაგოგი; აღნიშვნის ღირსნი არიან **დარეჯან ოსიტაშვილი** და **სოფიო ჩიქოვანი**.

კათედრის აქტივში შეიძლება ჩაითვალოს ისიც, რომ ორი წევრი **ლალი ლომიძე** და **ნონა ბეროშვილი** მასწავლებლობის მაძიებლობის პროგრამის ფარგლებში რამდენჯერმე იყვნენ მენტორების როლში. **ნონა ბეროშვილი** 2014 წლის ზაფხულში ორკვირიანი ტრენინგი გაიარა საფრანგეთში, როგორც მასწავლებელთა პროფესიული განვითარების ცენტრის მიერ გამოცხადებულ კონკურსში გამარჯვებულმა. ამდენად, უცხო ენების კათედრა ჩვენს სკოლაში ერთ-ერთი წარმატებული კათედრაა, რომლის წევრებიც მუდმივად ზრუნავენ უწყვეტ პროფესიულ განვითარებაზე.

ჩვენი კათედრის ღირსებად მიგვაჩნია ისიც, რომ კათედრის წევრები კოორდინირებულად ვმუშაობთ და საგაკვეთილო პროცესში აქტიურად ვწვდებით სწავლების თანამედროვე სტრატეგიებსა და აქტივობებს. ჩვენ ხშირად ვესწრებით ერთმანეთის გაკვეთილებს გამოცდილების ურთიერთგაზიარების მიზნით. ჩვენი კათედრის წევრები მუდმივად ესწრებიან მიზნობრივ ტრენინგებს, მათ შორის საერთაშორისო მასშტაბებითაც. ეს კი მოგეხსენებათ, პროფესიონალიზმის დახვეწის კარგი საშუალებაა. ტრენინგებზე მიღებულ ცოდნასა და უნარებს ვუზიარებთ ერთმანეთს, ვებმარებთ ახალი აქტივობების იმპრენტაციას.

ინგლისურის შემდეგ, როგორც ცნო-

იფიცირებული პედაგოგები **მარინა ფირყულაშვილი**, **ნანა ბიძინაშვილი** და **ნონა მეგრელიძე**, რომლებმაც მოსწავლეებს შეაყვარეს რუსული ენა და კულტურა. მათ რამოდენიმე საინტერესო პროექტი განახორციელეს. ერმიტაჟის, ვლადიმერ ვისოცკის, ქართულ-რუსული კულტურული ურთიერთობების შესახებ. საერთოდ უცხო ენების კათედრაზე კულტურათა დიალოგი განიხილება, როგორც უმნიშვნელოვანესი სეგმენტი უცხო ენის სწავლების პროცესში.

ჩვენს უახლოეს გეგმებში შედის სკოლაში ინტერკლასების ჩამოყალიბება, სადაც მოსწავლეები შეძლებენ უცხო ენის დახვეწას, საინტერესო გრძელვადიანი პროექტების განხორციელებას. ასეთი იქნება „მოდის ენიციკლოპედია“, რომელზეც უკვე დაწყებულია მუშაობა. პროექტში ჩართული იქნება სხვა დისციპლინები, გამჭოლი კომპეტენციები, პროექტის პრეზენტაციას დაეუკავშირებთ დედის და ქალთა საერთაშორისო დღეებს.

თანამედროვე სამყაროში უდიდესი მნიშვნელობა ენიჭება უცხო ენების ცოდნას. რაც არ უნდა კარგად ფლობდეს მოსწავლე ნებისმიერ საგანს, მისი ცოდნა ლოკალურ მასშტაბებს ვერ გასცდება უცხო ენების ცოდნის გარეშე, ამიტომ ჩვენი მასწავლებლებიც, ჩვენი სკოლის დირექტორის **მადონა მუმლაძის**, მისი მოადგილეების **ჟანა ჩიმჩიურის** და **დალილა ზუხბაიას** ხელმძღვანელობით ვსწავლობთ, პროფესიულად ვიზრდებით, ვიწვევებით, რათა უკეთესად ვასწავლოთ. ჩვენი ვექტორი მიმართულია გლობალურად ინტეგრირებული თაობის აღზრდისკენ იმ თაობისა, რომელიც შეძლებს თავისუფალ კომუნიკაციას და ადაპტირებას დღევანდელ მსოფლიოში.

ლალი ლომიძე,
მიხეილ ჯავახიშვილის სახელობის
თბილისის 124-ე საჯარო სკოლის
უცხოური ენების კათედრის
ხელმძღვანელი

ინიზიატივა, როგორც დროის მოთხოვნას რეალობად აქცევს

აქტუალური თემა

სახელმწიფოს, კერძოდ განათლების სამინისტროს წინაშე ორი აუცილებლად გადასაჭრელი საკითხი დგას. პირველი – სკოლის ატესტატით კურსდამთავრებულთა უმაღლესში ჩარიცხვა და მეორე – განაკვეთის 18 საათიდან 15 საათამდე დაყვანა. ამ ორი უმნიშვნელოვანესი საკითხის გადაჭრა, მორალურ-მატერიალურთან ერთად, უზარმაზარ ფინანსურ ეკონომიას მისცემს მშობელსა და სახელმწიფოს. მოსახლეობის გადატაკების პოლიტიკაში კოლოსალური წილი მშობლების მიერ შვილების კერძოდ მომზადებაზე დახარჯულ სახსრებსაც მიუძღვის.

იმის გამო, რომ ბავშვები სკოლის ცოდნით ვერ ეწყობიან უმაღლეს სასწავლებლებში, მშობლებს მათი ოთხ საგანში მომზადება და შემდეგ უმაღლესში სწავლის ქირის გადახდა უკიდურესად ძვირი უჯდებათ. ამას ემატება ისიც, რომ სწავლის ქირის გადაუხდელობის გამო, ან უმაღლეს სასწავლებელს ანებებს თავს, ან მშობელი იძულებულია აიღოს კრედიტი, გაყიდოს უძრავი ქონება – მიწა, სახლი და ჩადგეს გადატაკებულთა რიგში.

ერთი სიტყვით, სკოლამ ფუნქცია უნდა დაიბრუნოს. მოზარდი სკოლის ცოდნითა და ატესტატით უმაღლეს სასწავლებელში უნდა ჩარიცხოს. ამით სამივე სუბიექტი – მშობელი, სახელმწიფო და პედაგოგი – დარჩება მოგებული. სახელმწიფო, მშობელთან ერთად, კოლოსალურ ფინანსურ-მატერიალურ დანაზოგს მიიღებს – პირველ რიგში დროის, შენობების, ინვენტარის, გამოცდების, გამსწორებლების, კურიერების, ტექნიკური მუშაკების, ელექტროენერჯის, ტრანსპორტისა და სხვა გასანევი ხარჯების სახით, ხოლო პედაგოგი – მორალურ კომპენსაციას. გარდა ამისა, ამალდება სკოლის ავტორიტეტიც. ჩვენ, ამ შემთხვევაში, მოსწავლეთა შემეცნებით ფუნქციას ვეხებით, ნულზე დასულ აღმზრდელითს – არა. იგი ცალკე დიდი სამსჯელო თემაა.

არანაკლებ მნიშვნელოვანია განაკვეთის 18-დან 15 აკადემიურ საათამდე დაყვანა, 18 საათის ხელფასის შენარჩუნებით, რაც მასწავლებელს შემატებს 5060 ლარს, გაზრდის გაკვეთილის ხარისხს, მასწავლებელს მეტი დრო დარჩება იმუშაოს თავის თავზე, რომ აიმაღლოს კვალიფიკაცია და, რაც მთავარია, ჩაერთოს სერთიფიცირების პროგრამაში ხელფასის მომატების მიზნით.

განაკვეთის შემცირებით, დარჩენილი 3 საათით, შევძლებთ ათასობით ახალგაზრდა პედაგოგის სკოლაში დასაქმებას, აგრეთვე, მცირესაათიანი პედაგოგებისთვის განაკვეთის შევსებას (მაგალითად, თუ სკოლას ჰყავს ისტორიის 18 საათიანი 3 ან 4 პედაგოგი, $3 \times 3 = 9$ და $3 \times 4 = 12$ აკადემიური საათი კვირაში. მარტო ისტორიის 9 და 12 საათმა მოიყვანა ერთი ან ორი ახალგაზრდა მასწავლებელი სკოლაში. ასე მოხდება სხვა საგნებშიც).

90-იან წლებში, საქართველოს ძნელბედობის ფაშს, ჩვენმა ასოციაციამ, ედუარდ შევარდნაძის მთავრობასთან უკომპრომისო ბრძოლით, შეძლო განაკვეთის 35-დან 18 საათამდე დაყვანა. მაშინ მთავრობის თავმჯდომარე ბატონი **ოთარ ფაცაცია** იყო, პედაგოგის ოჯახში დაბადებული და აღზრდილი კაცი. დღეს საქართველოს მთავრობას გაცილებით უკეთესი მორალურ-ფინანსური მდგომარეობა აქვს, ვიდრე მაშინ, იმედს გამოვთქვამ, რომ განათლების სამინისტრო გულთან მიიტანს ფართო საზოგადოების მიერ მხარდაჭერილ ჩვენს ინიციატივას და ხალხისა და დროის მოთხოვნას რეალობად აქცევს.

გორა გურგენიძე,
არასამთავრობო ორგანიზაცია
– საქართველოს პედაგოგთა
უფლებების დაცვის კავშირის
პრეზიდენტი.

მივსალგაბით!


ოთხმოცდა ხუთი წლის პედაგოგთა, განათლების მუშაკთა გაზეთი „სახალხო განათლება“ ფინანსური პრობლემების გამო ორი წლის მანძილზე არ გამოდიოდა. მის ოდნავ შეცვლილი ფორმით აღდგენა-დაბრუნებას კმაყოფილებით მივესალმებით და ვადასტურებთ მისადმი სრულ მხარდაჭერას. ამავდროულად ვუწოდებთ საზოგადოებას, განათლების დარგის მუშაკებს.

ზურაბ ცუცქერიძე – პედაგოგიკის დოქტორი, **ზურაბ შაუთიძე**, **მზია გაგნიძე**, **პავლე მურადაშვილი**, **ქეთევან ხორგუაშვილი**, **ალეკო გაბელია**, **შოთა კიკალიშვილი**, **გია ზენაიშვილი** – ყოფილი პედა-

გოგი, სკოლის დირექტორი, თბილისის საბურთალოს რაიონის განათლების განყოფილების გამგე, **იზოლდა ჯიქია** – პედაგოგი, სკოლის ყოფილი დირექტორი, ღირსებისა და გრ. ხანძთელის ორდენების კავალერი, **ჯემალ კასრაძე** – ფოტო-ჟურნალისტი, **ლალი ბერძენიშვილი** – საერთაშორისო საგანმანათლებლო ასოციაცია „ბალავარის“ პრეზიდენტი, **მედეა ბერიანიძე** – ღვანლმოსილი პედაგოგი, **ვალტერ სიჭინავა** – აფხაზეთიდან დევნილი პედაგოგი, **ხიმურ რუხაია** – დედაუნივერსიტეტის პროფესორი, **ნანა ჯუღელი** – თბილისის 149-ე საჯარო სკოლის დირექტორი და სხვები.

„აზ დავიწყება მოყვრისა აზოდეს გვიზამს ზიანსა...“

ლევან ჩიქვანია ანფასში



დაარსებულ I ექსპერიმენტულ სკოლას დირექტორობდა, ასევე დიდ პედაგოგ შალვა ამონაშვილთან ერთად პედაგოგიურ აზროვნებაში სახლელ შემოიტანა და ახალი ერა დაამყარა. მეტად ნაყოფიერი იყო დედაქალაქის განათლების სამმართველოს უფროსად მისი მუშაობის პერიოდი. ი. გოგებაშვილის სახელობის სამეცნიეროკვლევით ინსტიტუტში მეოთხედი საუკუნე იღვანა და როგორც ნუნდა, განიცდიდა, ლომივით ბრძოლიწავდა, როცა ამ ინსტიტუტის თავზე საავდრო ღრუბლები მოვარდა.

ბატონი ლევანის რეგალიებზე ამ გაზეთის წინა ნომერში ბატონი ზურაბ ცუციქიძე და სხვა მეგობრები მოგვითხრობენ.

მე კი რამდენიმე შტრიხით ვიტყვი: დღესაც ცოცხლად გვახსოვს მის მიერ ოსტატურად წაყვანილი სასწავლო-შემეცნებითი პროგრამა საქართველოს ტელევიზიაში „ცხრაკლიტული“. ყველა სახლის თავკაცი და შემოქმედი იყო ბატონი ლევანი – იუმორის დიდოსტატი, ტკბილმოუბარი, ბრწყინვალე ორატორი. მუდამ მაოცებდა მისი, გეოგრაფიის სპეციალისტის მრავალმხრივი ერუდიცია, ფილოლოგიური განსწავლულობა, ჟურნალისტური ოსტატობა. იგი ხომ დიდხანს გაზეთ „სახალხო განათლების“ სული და გული იყო. გვხიბლავდა მისი უბრალოება, მუდამ ღიმილიანისთვის უცხო იყო ოფიციალურ-ადმინისტრაციული პოზიციობა. ვერაფრით გამოვავ-

ლინეთ მეგობარ გურამ ხანდამიშვილთან მის ოცნლიან „საჭადრაკო შერკინებაში“ გამარჯვებული, სანამ თავად არ გამოტყდა: პირველ პარტიაში არც მე მომიგია და არც იმას ნაუგიაო, მეორეში – შეცდომა არ მაპატიო, მესამეში – ყაიმი შევთავაზე და არ მიიღო.

დიდი ჰუმანისტი გახლდათ, ბატონი ლევანი – მუდამ მასწავლებლის დამცველი და ქომაგი. ამ ქვეყანაზე ისე არავინ უყვარდა და ეცოდებოდა, როგორც პედაგოგი. ერთ პედაგოგზე სარჩივარი შემოვიდა, სუსტი მასწავლებელია და სკოლიდან გაუშვიტო.

– აბა, შეისწავლეო, – გადმომანოდა. სკოლის დირექტორმა, ცხონებულმა აკაკი კვიციანიძემ მაცნობა: ეს პედაგოგი ისეთ დღეშია, ვერ გავათავისუფლებ, მეუღლე გარდაეცვალა, ავადმყოფი შვილი ჰყავს, ხშირად პურის ფულიც არა აქვსო...


ბატონ ლევანს განვუცხადე, ამ პედაგოგზე ნეგატიური წერილის დამწერი არა ვარ-მეთქი.

დაუფიქრებლად დამეთანხმა: მასწავლებელი დღეს ყველაზე დაბალი ლობია. მეც ვერ ვიტყვი და დავწერ ცუდს, ხელი ამიკანკალდებაო.

სიმბოლურია, რომ ლევან ჩიქვანია თავისი დიდი წინაპრის იაკობ გოგებაშვილის გარდაცვალებიდან ზუსტად მესამე წლისთავზე წავიდა ამ სამზოოდან.

ბორის მიშველაძე

ომარ ხუხუას მოსაგონარი



მარადისობას შეუერთდა ომარ ტრიფონის ძე ხუხუა, დიდი პედაგოგი, მომღერალი, მეცნიერი, მწერალი, მრავალმხრივი მოღვაწე და დიდუწებოვანი პიროვნება.

იგი დაიბადა და გაიზარდა გიორგი ჭყონდიდელისა და ამბროსი ხელაიას მშობლიურ მხარეში, მარტვილის რაიონის სოფელ კინაში. დამთავრებული აქვს წარჩინებით კინის საშუალო სკოლა, ქუთაისის პედინსტიტუტის ისტორია-ფილოლოგიის ფაკულტეტი. მთელი ცხოვრება პედაგოგიურ მოღვაწეობას მიუძღვნა: იყო რიგითი მასწავლებელი, სკოლის დირექტორის მოადგილე, დირექტორი, მომღერალი, ლოტბარი, კომპოზიტორი, კულტურის სახლის დირექტორი, რაიონის განათლების განყოფილების გამგე, მეცნიერი, ჟურნალისტი და მწერალი. ყველაფერი ეს ხდებოდა მშობლიური რაიონის ფარგლებში. როგორც დიდ ვაჟას, ბატონ ომარს მშობლიური კუთხიდან არ მოუცვლია ერთი ნაბიჯი. იყო სოფლის ბრძენკაცი, მხენელ-მთესველი.

სიცოცხლის ბოლო დღეებში გამოსცა ათასას გვერდიანი რომანი – ტეტრალოგია „კოლხური ზარი“. ამ გაზეთის წინა ნომერში გამოქვეყნდა მოკლე რეცენზია ამ წიგნზე, რომლის წაკითხვა ვერ მოასწრო – 80 წლის მიმკაუნებელ ომარ ხუხუას მამულისთვის მფეთქავმა გულმა უღალატა. „მკვდრად იგი თქმულა, ვისაც აქ სახელი არ დარჩენია“. ომარ ხუხუას კი დარჩა ხუთი შვილი, მრავალი შვილიშვილი, ძვირფასი ნამოღვაწარი და დიდი მამულიშვილის სახელი.

ბატონო ომარ, მსუბუქი იყოს შენთვის კინის მშობლიური მიწა!

გაზეთ „სახალხო განათლება“-ის რედაქცია, მეგობრების სახელით: ტიტე ხუხუა, ზიგფრიდ ხუხუა, ბორის მიშველაძე, ზურაბ ქობალია, პაატა ცხადაია და სხვები.

„ნარსულსაში ნოვა, პაპივი...“

უჩუოლი, წაძო!



ჩვენნი ფოტოკორესპონდენტის გენადი სანაიას ამ სურათზე, რომელიც 2008 წლის 17 დეკემბერს არის გადაღებული, თქვენ ხედავთ გაზეთ „სახალხო განათლების“ 80 წლის საიუბილეო ვითარებიდან ერთ ფრაგმენტს. რედაქციის ახალი და ძველი თანამშრომლები (მარცხნიდან მარჯვნივ): მირიან ჯალალონია (ძველი საკკორი, დიდი სამამულო ომის ვეტერანი, დამს. პედაგოგი, მწერალი), ნათელა თოდუაწულეისკირი (ბულალტერი), ნინო შერაზადიშვილი (პასუხ-

ისმგებელი მდივანი), ეკა მამუკაშვილი (სტილისტ-კორექტორი), ნათელა ქიქვიციანი (რედაქტორი), ლევან ჩიქვანია (სარედაქციო საბჭოს თავმჯდომარე, გასული საუკუნის 60-იან წლებში ამ გაზეთის პასუხისმგებელი მდივანი), გურამ ხანდამიშვილი (დამსახურებული ჟურნალისტი), ბორის მიშველაძე (რედაქტორის მოადგილე), ნაპოლეონ ლემონჯავა (ძველი საკკორი, პროფესორი, მწერალი) საზეიმო განწყობილებას მოუცავს.

გაზეთ „სახალხო განათლების“, იაკობ გოგებაშვილის სახელობის პედაგოგიის ინსტიტუტის, გამომცემლობა „ზენაარის“ თანამშრომლები თანაგრძნობას უცხადებენ გაზეთის მენეჯერსა და რედაქტორის თანამშრომარს ზურაბ ქობალიას დედის ნათელა აბოილაშვილ-ქობალიას გარდაცვალების გამო.

ნომრის რედაქტორი ბორის მიშველაძე

სახალხო განათლება №3 (4500) 29 ოქტომბერი, 2014 წელი გაზეთი გამოდის 1928 წლიდან

რ ე დ კ ო ლ ე ბ ი ა

ზურაბ ქობალია (თავმჯდომარე) 599 34-37-27; ნათელა ქიქვიციანი 595 58-45-72; ბორის მიშველაძე 555 59-60-50; რომან მოსეშვილი 599 34 41 41; ნათია გურგენიძე 593 42-22-58; ეკა მამუკაშვილი 557 20-85-04

E-mail: sakhalkho.ganatileba@gmail.com

ტელ: (0 32) 2 99 80 00 (0 32) 2 98 48 07

ISSN 1987-9113



9 771987 911009